



Inatsisartunut ilaasortaq
Mariane Paviasen, Inuit Ataqatigiit
/Maani

Suliffeqarfiit aatsitassarsiortut nalunaarusiaasa assigiinngitsut tamanit pissarsiarineqarsinnaalernissaat pillugu § 37 naapertor- lugu apeqquteqaammut 028-2023-mut akissut

Brevdato: 15-02-2023
Sagsnr.: 2023 - 2294
Akt-id: 22402492

Asasara Mariane Paviasen

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu nalunaarusiat,
aatsitassarsiorfinit suliarineqartut assigiinngitsut tamanit
pissarsiarineqarsinnaaneri pillugu Naalakkersuisunut apeqquteqaateqarputit.
Apeqquteqaatitit uannit akisassanngorlugit innersuunneqarput.

Akissuteqaat Aatsitassanut Inatsisillu Atuutsinneqarnerannut
Naalakkersuisoqarfik apeqqutit 2-mut aamma 3-mut akissuteqartillugit
suliarineqarput.

1. Naalakkersuisut pilersaaruteqarpat VVM pillugu nalunaarusiatut taaneqartartut, suliffeqarfinnit aatsitassarsiortunit tigusaat, Canadami periuseqarnertut innuttaasunit pisortatigoortumik takuneqarsinnaalerlutillu pissarsiarineqarsinnaanissaannut?

Akissut:

Naalakkersuisut 2015-imi Kalaallit Nunaanni saffiugassanik piiaanissamut
(ASN-imut malittarisassat) ASN-imut nassuiaasiornissamut (Avatangiisinut
Sunniutissanut Naliliinerit) maleruagassat atuuttut akuersissutigaat. ASN-imut
maleruagassat aatsitassat pillugit ingerlatallu tamatumunnga pingaarutillit
pillugit inatsisartut inatsisaat nr. 7, 7. december 2009-imeersoq,
kingusinnerusukkut allannguuteqartinneqartoq (aatsitassanut inatsit)
tunngavigalugu suliarineqarput.

ASN-imut nassuiaatinut missingiusiat nalinginnaasumik missingiusiap
Avatangiisinut Aqutsisoqarfimmit oqartussaasuniluunniit missingiusiamik
suliaqartussatut tiguisumit tiguneqarneranni ingerlaannartumik tamanut
ammasumik saqqummiunneqarneq ajorput. Kisiannili tamat ASN-imut
nassuiaammut missingiusiami allagaatinik takunnissinnaanermut
periarfissinneqarnissamik qinnuteqarsinnaapput, tamatumalu kingorna tamanut
sullissineq pillugu inatsimmi tamatumunnga maleruagassat naapertorlugit
allagaatinik qanoq annertutigisumik takunnissinnaanissamut
akuersissuteqartoqassanersoq aalajangiiffigineqartussaavoq.

Tamanut sullissineq pillugu inatsimmi maleruagassat naapertorlugit Avatangiisinut Aqutsisoqarfik paasissutissat allagaatillu ilaannik, taakkunungalugu paasissutissanik allagaatinillu, niuernermi isertuussassanik, teknikkimut paasissutissanik paasissutissanillu, tamanut ammasumik saqqummiussinermi ingerlatseqatigiiffiup aningaasaqarneranut ajoqusiinnaasunik takunnissinnaatitaanermut ilaatitsinngitsoornissamut periarfissaqarpoq. Suleriaaseq taamaattoq ilaatigut Canadami naalagaaffiit suleqatigiinnerannut atornerqarpoq.

Aatsitassanut inatsisip iluarsaanneqarneranut atatillugu Aatsitassarsiornermi Avatangiisinut Aqutsisoqarfik nalunaarutininik suliaqarluni, aammalu Aqutsisoqarfiup ASN-inik suliaqarnermut atatillugu oqartussaaffiit maleruagassanik nutarterilluni aallartippoq.

Nutarterinermi ilaatigut siunissami aatsitassarsiornermut akuersissutit naapertorlugit pisinnaatitaaffinnik pigisaqartunik suleqateqartarnissamut siunnersuut ilanngunneqassaaq. Missingiusiami pisinnaatitaaffinnik pigisaqartunik oqaloqatiginninnermi, ASN-imut nassuiaatit sulianullu nassuiaatit taakkununga atasut ilusissaannut attaveqatigiinnissamullu suliaqartut piumasaqaataat kissaataallu pillugit tamanik sullissinermit maleruagassat atuuttut ersariinnerulersinneqartussaapput.

A) Aappiuppat, tamanna qaqugu aallartissava?

Akissut:

Inussiarnersumik apeqqut 1-imut akissut takoqquneqarpoq.

B) Naamiuppat, innuttaasut suliffeqarfiit nalunaarusiaannik assigiinngitsunik innuttaasut ulluinnarni inuunerannut kalluaasussat innuttaasunit takuneqarsinnaanerit sooq nunatsinni inerteqqutaava?

Akissut:

Inussiarnersumik apeqqut 1-imut akissut takoqquneqarpoq.

2. Suliffeqarfiit aatsitassarsiortut qinnuteqarnermi nalunaarusiaat suliffeqarfinnit ullormi Naalakkersuisunut nassiunneqarneranni avammut saqqummiunnissaat Naalakkersuisut eqqarsaatiginngippassuk, tamassumunnga suna pissutaava?

Akissut:

Naalakkersuisut aallaqqaammut qinnuteqarnermi allakkiat missingiusiatut tigusarpaat. Akuersissuteqarnissamut suliap tassunga tunngasortaani allaffissornikkut pitsaassuseq misissuiffigineqartarpoq, aammalu assersuutigalugu ASN-ip aamma VSB-p tamanut ammasumik tusarniaassutiginneqannginnerini akuersissuteqartoqartarluni. Ajoraluartumik misilittakkat malillugit allakkiat taamaattut pitsaassusiinik, taamaalillunilu nalunaarusiat taakku suliarineqarnerini maleruagassat tunngaviusut malinneqarnissaannik qulakkeerinnissaq pisariaqartarpoq. Taamaalilluni tamat allakkianut, kukkunernik amigaatinillu pisariaqanngitsunik, aammalu

inaarutaasumik inerniliinissamut akornusiisinnaasunik imaqartunut isumaqanngitsumik piffissamik atuitinneqassanngillat.

Aamma qinnuteqartitsinerup ingerlanerani, tamanullu ammasumik saqqummiussinissaq sioqqullugu allakkiat nutsikkat pitsaassusiinik qulakkeerisoqartussaavoq. Tassani aamma misilittakkat malillugit aallaqqaammut pitsaassuseq tamanut ammasumik saqqummiussinissamut ajorpallaartartoq akuttunngitsumik paasineqartarpoq.

3. Innuttaasut misissueqqaarnissanik qinnutaatinik, suliffeqarfuit aatsitassarsiortut siunissami nalunaarusiassaannik assigiinngitsunik pissarsisinnaanerit Naalakkersuisut pitsanngortikkusuppaat?

Akissut:

Allakkiat, piffissap akuersissuteqarfiusup ingerlanerani Aatsitassaqaarnermi Oqartussaasunut tunniunneqartartut amerlanersaat niuernermit pissutsinut sunnertiasunut paasissutissanik, soorlu naatsorsuutinik, akileraarnermut paasissutissanik kiisalu nunami sumiiffinni misissueqqissaarnermut nalunaarusianik imaqartarput.

Nunami sumiiffinni misissueqqissaarnermut nalunaarusiat assigisaallu taamaallaat piffissami aalajangersimasumi isertuussaasarput. Tamatuma kingorna paasissutissat kikkunnilluunniit akeqanngitsumik atugassanngorlugit tamanut ammasumik saqqummiunneqartarput.

Inatsisartut 2023-mi upernaakkut ataatsimiinnerannut aatsitassarsiortnermut inatsimmik nutaamik saqqummiussinissartik Naalakkersuisut naatsorsuutigaat. Siunnersuummi ilaatigut isertuussisarnermut maleruagassat ersarissarneqarnissaat, kiisalu tusarniaanerit suliap ingerlanerani siusinnerujussuakkut, tassalu: ujarlernissamut akuersissutinik qinnuteqartoqarneranili tamanut ammasumik ingerlanneqartarnissaat pineqarpoq.

4. Naalakkersuisut nalunaarusiat Danish Centre for Environment and Energy-mersut (DCE) aamma Pinngortitaleriffimmeersut ullormi saqqummersinneqarnerini saqqummiuttalerniarpaat?

Akissut:


ASN-imut nalunaarusianut missingiusianik naliliisarneq pillugu DCE-p aamma Pinngortitaleriffiup nalunaarusiaat nalinginnaasumik piffissani Avatangiisinut Aqutsisoqarfiup taakkuninnga tigusiffiini ingerlaannartumik tamanut ammasumik saqqummiunneqarneq ajorput. Kisiannili tamat naliliinerni taakkunani allagaatinik takunnissinnaanermut periarfissinneqarnissamik qinnuteqarsinnaapput, tamatumalu kingorna tamanut sullissineq pillugu inatsimmi tamatumunnga maleruagassat naapertorlugit allagaatinik qanoq annertutigisumik takunnissinnaanissamut akuersissuteqartoqassanersoq aalajangiiffiqineqartussaavoq.

Tamanut sullissineq pillugu inatsimmi maleruagassat naapertorlugit Avatangiisinut Aqutsisoqarfik paasissutissat allagaatillu ilaannik, taakkunungalugu paasissutissanik allagaatinillu, niuernermit isertuussassanik,

teknikkimut paasissutissanik paasissutissanillu, tamanut ammasumik saqqummiussinermi ingerlatseqatigiiffiup aningaasaqarneranut ajoqusiisinnaasunik takunnissinnaatitaanermut ilaatitsinngitsoornissamut periarfissaqarpoq.

Apeqquut 1-imut akissuteqaammi taaneqartutut, aatsitassanut inatsisip iluarsanneqarneranut atatillugu Aatsitassarsiornermi Avatangiisinut Aqutsisoqarfik nalunaarutininik suliaqarluni, aammalu Aqutsisoqarfiup ASN-inik suliaqarnermut atatillugu oqartussaaffiitut, ilaatigut ASN-it suliarineqartarnerinut, tassungalu ASN-imut nassuiaatit ilisimatusarnikkullu naliliinerit taakkununga atasut ilanngullugit maleruagassanik nutarterilluni aallartippoq.

Inussiarnersumik inuulluaqqusillunga



Kalistat Lund